

Na osnovu članova 35. i 69. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj: 20/13), Budžeta Općine Stari Grad za 2019. godinu usvojenog na sjednici Općinskog vijeća Stari Grad u decembru, 2018. godine ("Službene novine Kantona Sarajevo" broj: 2/19) i na osnovu Uputstva o načinu realizacije sredstava planiranih u Budžetu Općine Stari Grad Sarajevo za 2019. godinu za podsticaj zapošljavanja broj: 01-05-4-641/19, općinski Načelnik, raspisuje:

JAVNI POZIV

za odabir banke za plasiranje sredstava putem kreditne linije uz subvencioniranje dijela kamatne stope od strane Općine Stari Grad Sarajevo za privredne subjekte koji posluju na području Općine Stari Grad Sarajevo.

1. OPĆI PODACI

Predmet ovog Javnog poziva je odabir banke-partnera za plasiranje kreditne linije uz subvencioniranje dijela kamata od strane Općine Stari Grad Sarajevo za privredne subjekte koji posluju na području Općine Stari Grad Sarajevo.

Kreditnu liniju za privredne subjekte koji posluju na području Općine Stari Grad Sarajevo provodi Općina Stari Grad Sarajevo i banka koja bude izabrana za plasman kreditne linije.

Posebno će se cijeliti sljedeći kriteriji za odabir banke-partnera:

- 1.1. Visina finansijskih sredstava za kreditnu liniju;
- 1.2. Visina kamatne stope;
- 1.3. Troškovi obrade kredita i
- 1.4. Broj uspješno implementiranih kreditnih linija na području Federacije BiH čiji su karakter i kompleksnost slični onima koji se odnose na ovaj Javni poziv.

Program je usmjeren prvenstveno na privredne subjekte koji ostvaruju prihode od izvoznih djelatnosti, kao i privredne subjekte koji se bave proizvodnom i uslužnom djelatnošću, poljoprivredom i turizmom.

Općina Stari Grad Sarajevo će za program subvencioniranja kamata u Budžetu za 2019. godinu obezbijediti iznos od 25.000,00 KM.

2. OBAVEZE BANKE

Izabrana banka će, nakon zaključivanja Ugovora, objaviti Javni poziv za dodjelu poticajnih kreditnih sredstava sa svim uslovima učešća u pozivu. Odobreni kredit po jednom korisniku ograničava se na visinu od 500.000,00 KM sa rokom otplate od 12 do 60 mjeseci.

Ukoliko Općina obezbijedi dodatna sredstva za ovu namjenu u toku 2019. godine, banka se obavezuje da će pod istim uslovima proširiti projekat proporcionalno visini iznosa dodatno obezbijeđenih sredstava.

Prijem zahtjeva za finansiranje iz sredstava finansijske linije će biti proveden u skladu sa redovnim procedurama banke u filijalama banke. Proces obrade finansiranja kao i donošenje konačne odluke o odobravanju ili odbijanju klijenta bit će u skladu sa redovnim procedurama banke.

Banka je dužna privrednom subjektu, koji ispunjava navedene uslove, odobriti kreditna sredstva uz kamatnu stopu koju je ponudila u ovom Javnom pozivu, s tim da će privredni subjekti imati mogućnost subvencioniranja kamatne stope od strane Općine Stari Grad Sarajevo. Banka će od klijenata naplaćivati i naknadu za obradu finansiranja prema važećim tarifama banke. Banka zaključuje Ugovor sa krajnjim korisnikom kredita. Banka provodi kontinuirani monitoring i tromjesečno informiše Općinu o namjenskom trošenju sredstava i ispunjavanju svih uslova utvrđenih ugovorom između banke i klijenta, što će biti osnov za retroaktivni prenos iznosa regresirane kamate. Banka snosi rizik naplate kredita ili njegovog dijela, osigurava redovnu i prinudnu naplatu, te obavlja ostale bankarske poslove koji su u vezi s ovom kreditnom linijom u skladu sa pozitivnim zakonskim propisima i aktima banke.

3. USLOVI ZA UČEŠĆE

Banke su dužne, kao uslov za učešće u ovom Javnom pozivu, dostaviti sljedeće dokumente:

- 3.1. Naziv i tačnu adresu banke;
- 3.2. Rješenje o upisu u sudski registar;
- 3.3. Uvjerenja o poreznoj i PDV registraciji;
- 3.4. Dokaz o dozvoli za rad izdatu od Agencije za bankarstvo FBiH i licencu za obavljanje platnog prometa najmanje srednjeg rizika;
- 3.5. Certifikat Agencije za osiguranje depozita;
- 3.6. Uvjerenje nadležnog suda ili organa uprave, kod kojeg je ponuđač registrovan kojim potvrđuje da Banka nije pod stečajem ili likvidacijom, odnosno da nije predmet stečajnog postupka, te da nije u postupku obustavljanja poslovne djelatnosti u skladu s važećim propisima u BiH;
- 3.7. Uvjerenje o izmirenim porezima i doprinosima kojim se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Poreske uprave Federacije BiH;
- 3.8. Kompletan set finansijskih izvještaja u skladu sa Odlukom o formi izvještaja koje banke dostavljaju Agenciji za bankarstvo za treći kvartal 2018. godine;
- 3.9. Dokaz o adekvatnosti kapitala dana 31.12.2018. godine ne smije biti manja od 16%;
- 3.10. Izjava da visina uplaćenog kapitala na dan 31.12.2018. godine nije manja od 100 miliona KM;
- 3.11. Potvrde o uspješnoj implementaciji ne manje od pet sličnih projekata sa subvencioniranom kamatom u saradnji sa lokalnim zajednicama i kantonima u FBiH u prethodnih pet godina;
- 3.12. Format izvještaja o implementaciji kreditne linije sa svim bitnim elementima za mjesečno izvještavanje o korisnicima (iznos plasmana, visina stope, rok plasmana, iznos subvencije, broj uposlenih na početku i za svaki period izvještavanja, projektovana subvencija za preostali rok trajanja);
- 3.13. Potvrda i dokaz o uspješnom iskustvu u realizaciji ugovora čiji su karakter i kompleksnost slični onima koji se odnose na Javni poziv.

Sve kopije dokumenata moraju biti ovjerene od strane nadležnog tijela uprave ili notara, ovjerom, ne starijom od tri mjeseca od dana objave Javnog poziva.

4. KRITERIJI ZA ODABIR BANKE

Odabir banke za plasman kreditne linije za subvencioniranje dijela kamatne stope od strane Općine Stari Grad Sarajevo za privredne subjekte koji posluju na području Općine provodi Komisija, koju u skladu sa općinskim dokumentima imenuje Općinski načelnik. Kriteriji koje će imenovana Komisija primjenjivati za ocjenu i izbor ponude su:

- 4.1. Visina sredstava za kreditnu liniju (%)..... učešće 45%..... max 45 bodova;
- 4.2. Visina kamatne stope (%) učešće 30%..... max 30 bodova;
- 4.3. Broj uspješno implementiranih kreditnih linija u FBiH čiji su karakter i kompleksnost slični onima koji se odnose na ovaj javni poziv učešće 20 %..... max 20 bodova;
- 4.4. Visina troškova obrade kredita (%) učešće 5 % max 5 bodova.

Sve banke učesnice Javnog poziva će biti obaviještene o Odluci ugovornog organa i rezultata postupka evaluacije ponuda u roku od sedam dana od donošenja Odluke.

Ugovor se dodjeljuje banci čija ponuda u skladu sa navedenim kriterijima, osvoji najveći broj bodova.

Sa odabranom bankom Općina Stari Grad Sarajevo će zaključiti Ugovor o realizaciji projekta, kojim će biti utvrđena prava i obaveze ugovornih strana, te kriteriji Općine za odobravanje kredita po ovoj kreditnoj liniji i to: privredni subjekti koji mogu ostvariti sredstva po ovoj kreditnoj liniji, broj novouposlenih radnika na osnovu visine odobrenog kredita, visina subvencioniranja kamatne stope, način realizacije subvencionirane kamatne stope, te način monitoringa i izvještavanja Općine o realizaciji ugovorenih poslova pojedinačno za svakog korisnika kreditnih sredstava po ovoj kreditnoj liniji.

5. PODNOŠENJE PRIJAVA

Zapečaćene ponude sa naznačenom adresom ponuđača dostaviti na protokol Općine Stari Grad Sarajevo ili preporučenom poštom na adresu Općina Stari Grad Sarajevo, ulica Zelenih beretki 4, 71000 Sarajevo, sa naznakom „Prijava na Javni poziv za odabir banke za plasiranje kreditne linije uz subvencioniranje kamata od strane Općine Stari Grad Sarajevo-NE OTVARAJ“. Na poleđini koverta obavezno navesti naziv podnosioca ponude, adresu i kontakt telefon, te ovjeriti pečatom.

Ponuda, bez obzira na način dostavljanja, mora biti zaprimljena u Općinu Stari Grad do datuma i vremena i na adresu navedenu u Javnom pozivu. Sve ponude zaprimljene nakon tog vremena su neblagovremene i kao takve neotvorene će biti vraćene ponuđaču. Ponuda se čvrsto uvezuje na način da se onemogućí naknadno vađenje ili umetanje listova. Stranice ponude se označavaju brojem, na način da je vidljiv redni broj stranice.

Konkurs će biti otvoren 14 dana od dana objavljivanja Javnog poziva odnosno do 20. marta, 2019. godine.

6. OSTALE ODREDBE

U postupku po Javnom pozivu Općina Stari Grad Sarajevo ne snosi nikakve troškove učesnika Javnog poziva, te zadržava pravo da poništi Javni poziv ili da odbaci sve ponude u bilo koje vrijeme prije zaključivanja Ugovora. Općina Stari Grad Sarajevo ne snosi odgovornost prema učesnicima Javnog poziva u pogledu aktivnosti koje su preduzele u cilju apliciranja. Podnosiocu ponude koja zadovolji formalno-pravne uslove iz Javnog poziva, a koji bude odbijen zbog manje ocijenjene ponude na njegov pismeni zahtjev Općina Stari Grad će obrazložiti razloge zbog kojih nije odabran. Prispjela dokumentacija se ne vraća podnosiocu ponude.

Sve dodatne informacije u vezi s Javnim pozivom mogu se dobiti svakim radnim danom od 7.30 do 16 sati putem telefona ili e-mail adrese:

Odsjek za lokalni razvoj

033 282 447

damir.drincic@starigrad.ba i ferid.sabeta@starigrad.ba

OPĆINSKI NAČELNIK
mr. Ibrahim Hadžibajrić, s.r.

Broj: 09-05-1620/19
Sarajevo, 6. mart, 2019. godine